

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ  
OPĆINSKO VIJEĆE**

**NACRT**

**ODLUKA  
O ZAŠTITI IZVORIŠTA „DEVETACI“ U TRŠĆU, OPĆINA KAKANJ**

**OBRADIVAČ: Služba za privredu, urbanizam i zaštitu okoline Općina Kakanj**

**PREDLAGAČ: Općinski načelnik**

**RAZMATRA : Općinsko vijeće  
I USVAJA**

Na osnovu člana 68. stav 2. Zakona o vodama (Službene novine Federacije BiH, broj 70/06), člana 40. stav 2. Zakona o vodama Zeničko-dobojskog kantona („Službene novine Zeničko-dobojskog kantona“, broj 17/07), člana 24. stav 1. tačka 2. Statuta Općine Kakanj („Službene novine Općine Kakanj“, broj: 4/08) i člana 13. Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva ("Službene novine Federacije BiH", broj 88/12) - u daljem tekstu Pravilnik, Općinsko vijeće na sjednici održanoj \_\_. \_\_.2023. godine, donosi

**ODLUKU**  
**O ZAŠTITI IZVORIŠTA „DEVETACI“ U TRŠĆU, OPĆINA KAKANJ**

**I. OPĆE ODREDBE**

**Član 1.**

(Predmet Odluke)

- (1) Ovom Odlukom utvrđuju se granice zone sanitarne zaštite, zaštitne mjere, izvori i način finansiranja zaštitnih mjera za izvorište „Devetaci“, i pripadajućih vodnih objekata u sistemu vodosnabdjevanja i kaznene odredbe za povredu odredaba ove Odluke.
- (2) Ova odluka donosi se u cilju zaštite pitkih podzemnih voda koje se planiraju koristiti za potrebe vodosnabdjevanja naselja (stanovništva) od svih vidova zagađenja i štetenih uticaja koji mogu nepovoljno djelovati na zdravstvenu ispravnost vode za piće ili na izdašnost izvorišta.

**Član 2.**

(Razlozi za donošenje Odluke)

- (1) Odredbe Odluke o zonama sanitarne zaštite i zaštitnim mjerama za izvorište „Devetaci“ (u daljem tekstu: Odluka) odnose se na pitku vodu izvorišta „Devetaci“ iz kojeg se vrši vodosnabdjevanje stanovništva MZ Tršće.

**II. ZAŠTITNO PODRUČJE**

**Član 3.**

(Uspostavljanje zone zaštite)

- (1) Zone sanitarne zaštite izvorišta „Devetaci“ utvrđene su u skladu sa članom 7. Pravilnika koja se odnose na izvorišta podzemnih voda u akviferima intergranularne poroznosti i pukotinsko-kaverozne poroznosti.
- (2) Prema stepenu opasnosti od zagađenja i drugih štetnih uticaja koji mogu nepovoljno djelovati na zdravstvenu ispravnost vode ili na izdašnost izvorišta „Devetaci“, uspostavljaju se tri zaštitne zone za izvorište „Devetaci“ i pripadajuće vodne objekte:
  - Prva zaštitna zona - zona sa najstrožijim zabranama i ograničenjima;
  - Druga zaštitna zona - zona sa strogim zabranama i ograničenjima;
  - Treća zaštitna zona - zona sa umjerenim zabranama i ograničenjima;
- (3) Zaštitne zone izvorišta „Devetaci“ i pripadajućih vodnih objekata prikazane su na karti razmjere R=1:10000, R=1:5000, R=1:2500, a prva zaštitna zona izvorišta na situacionom planu razmjere 1:1000.
- (4) U zoni iz prethodnog stava ovog člana primjenjuju se sanitarno - tehničke mjere i druge djelatnosti na način utvrđen ovom Odlukom.

- (5) Grafički prilozi zona sanitarne zaštite izvorišta „Devetaci“ su sastavni dio Elaborata – sanitarno zaštitne zone za izvorište „Devetaci“ u Tršću, općina Kakanj.

### III. OBUHVAT I GRANICE ZAŠTITNIH ZONA IZVORIŠTA

#### III.1. I zaštitna zona (zona najstrožijeg režima zaštite)

##### Član 4.

(Granice prve zaštitne zone)

- (1) Granica prve zaštitne zone izvorišta „Devetaci“ obuhvata prostor u neposrednoj zoni izvorišta „Devetaci“ oko vodozahvatnih objekata. Vanjske konture prve zaštitne zone su predstavljene sljedećim tačkama:

IZVORIŠTE "DEVETACI"		
I ZONA ZAŠTITE		
PROJEKCIJA: GAUSS KRIEGER 6		
Tačka	Y	X
I <sub>1</sub>	6 514 119.07	4 898 034.92
I <sub>2</sub>	6 514 116.34	4 898 028.36
I <sub>3</sub>	6 514 132.42	4 898 012.05
I <sub>4</sub>	6 514 142.12	4 898 022.59
I <sub>5</sub>	6 514 126.96	4 898 037.28

- (2) Prva zaštitna zona izvorišta „Devetaci“ obuhvata dio parcele označene kao k.č. broj: 2919/1 K.O. Vukanovići -novi premjer, Općina Kakanj.
- (3) Ukupna površina I zaštitne zone izvorišta „Devetaci“ iznosi  $P=332,00 \text{ m}^2$ , dok je obim ovoga područja  $O=72,00 \text{ m}$ .
- (4) Prva zaštitna zona izvorišta „Devetaci“ predstavlja zonu sa najstrožijim zabranama i ograničenjima.
- (5) Situacioni položaj prve zaštitne zone izvorišta „Devetaci“ prikazan je na karti razmjere  $R=1:10000$ ,  $R=1:5000$ ,  $R=1:2500$  i situacionom planu  $R=1:1000$  (Prilog 3, Prilog 4, Prilog 5).
- (6) Grafički prilozi zona sanitarne zaštite izvorišta „Devetaci“ su sastavni dio Elaborata – sanitarno zaštitne zone za izvorište „Devetaci“ u Tršću, općina Kakanj.

#### III.2 II zaštitna zona

##### Član 5.

(Granice druge zaštitne zone)

- (1) Područje druge zaštitne zone izvorišta „Devetaci“ obuhvata prostor od vanjske granice prve zaštitne zone. Granica druge zaštitne zone izvorišta „Devetaci“ (vanjska granica) veže se na prvu zaštitnu zonu u tački I<sub>2</sub> a zatim nastavlja ka jugozapadu do tačke II<sub>2</sub>. Od tačke II<sub>2</sub> povija ka jugoistoku u tačku II<sub>3</sub> i tako se nastavlja protezati preko tačaka II<sub>4</sub>, II<sub>5</sub> do tačke II<sub>6</sub> koji se nalazi na Kukiinom dočiću. Od tačke II<sub>6</sub> blago povija ka sjeveroistoku i preko tačke II<sub>7</sub> dolazi u tačku II<sub>8</sub>. Iz tačke II<sub>8</sub> ošto skreće ka sjeverozapadu i ubada se u tačku II<sub>10</sub> prolazeći istom putanjom preko tačke II<sub>9</sub>. Iz tačke II<sub>10</sub> dalje nastavlja ka sjeveroistoku u tačku II<sub>11</sub>. Preko tačke II<sub>11</sub> granica druge zaštitne zone skreće ka jugoistoku i preko tačke